



ПСАЛТИРЬ

УТРАЯ
ПО УБОИШНН



КАНОНЫ И МОЛИТВЫ



**Псалтирь,
чтомая
по усопшим
каноны и молитвы**



САТИСЪ
Санкт-Петербург
2005

СОДЕРЖАНИЕ

КОНЧИНА ЖИЗНИ ЧЕЛОВЕКА	4
Канон на исход души	4
Канон молебный ко Господу нашему Иисусу Христу и Пречистой Богородице, Матери Господни, при разлучении души от тела всякаго правовернаго	5
Псалом 50, покаянный	6
Канон молебный от лица человека с душою разлучающагося и не могущаго глаголати, глас 6-й	7
Молитва на исход души	14
Последование при исходе души от тела, внегда человек долго страждет.	14
Псалом 69	15
Псалом 142	16
Псалом 50, покаянный	16
Канон, глас 6-й	17
Молитва о души судимей	23
Молитва иная, о долгострадающем умерети . .	23
Последование по исходе души от тела	24
Тропари, глас 4-й	25
Псалом 90	25
Канон за преставльшегося, глас 8-й	26
Тропарь, глас 6-й.	32
Молитва	33
ПРИГОТОВЛЕНИЕ УСОПШЕГО К ПОГРЕБЕНИЮ.	34
ЧТЕНИЕ ПСАЛТИРИ ПО УСОПШИМ	36

ПСАЛТИРЬ ПРОРОКА ДАВИДА	38
Молитвы перед началом чтения Псалтири	38
Тропари, глас 6-й	39
Молитва Святой Живоначальной Троице . . .	39
Кафисма 1.	40
Молитвы по 1-й кафисме.	45
Кафисма 2	47
Молитвы по 2-й кафисме.	54
Кафисма 3.	55
Молитвы по 3-й кафисме.	62
Кафисма 4.	64
Молитвы по 4-й кафисме.	71
Кафисма 5.	73
Молитвы по 5-й кафисме.	80
Кафисма 6.	81
Молитвы по 6-й кафисме.	89
Кафисма 7.	91
Молитвы по 7-й кафисме.	98
Кафисма 8.	99
Молитвы по 8-й кафисме.	106
Кафисма 9.	107
Молитвы по 9-й кафисме.	114
Кафисма 10	116
Молитвы по 10-й кафисме	123
Кафисма 11	125
Молитвы по 11-й кафисме	134
Кафисма 12	135
Молитвы по 12-й кафисме	143
Кафисма 13	144
Молитвы по 13-й кафисме	151

Кафисма 14	152
Молитвы по 14-й кафисме	159
Кафисма 15	160
Молитвы по 15-й кафисме	167
Кафисма 16	168
Молитвы по 16-й кафисме	174
Кафисма 17	175
Молитвы по 17-й кафисме	184
Кафисма 18	186
Молитвы по 18-й кафисме	192
Кафисма 19	193
Молитвы по 19-й кафисме	201
Кафисма 20	202
Молитвы по 20-й кафисме	208
Молитвы по прочтении нескольких кафисм или всей Псалтири.	210
Тропари, глас 6-й	211
Молитва	211
КАК ПРОЩАЮТСЯ С УСОПШИМ.	213
Панихида	213
Вынос тела	214
Отпевание.	215
Заочное отпевание.	219
Кто лишается отпевания	220
Отпевание и погребение младенцев.	221
Могила православного христианина	221
Кремация	222
Церковное поминовение усопшего, совершаемое после погребения.	223

Поминовение усопшего на домашней молитве . . .	226
Молитва о усопших	226
Молитвы о усопших из Помянника	227
Молитвы о упокоении, чтомые	
в различных случаях	228
Молитва	228
Молитва за пастырей Православной Церкви. .	229
Молитва за родителей	231
Молитва родителей за детей	232
Молитва лишившегося супруги	234
Молитва вдовицы за супруга	236
Молитва за наставников и воспитателей. . . .	238
Молитва за благодетелей, особенно	
руководивших к добродетели	239
Молитва за обидевших и ненавидевших нас . .	240
Молитва за скончавшихся вне своего	
отечества, за безродных и убогих	242
Молитвы о скончавшихся в особенных (телесных	
и душевных) состояниях и необыкновенную	
(внезапную) смертью	244
Молитва о упокоении скончавшихся после	
тяжкой и продолжительной болезни	244
Молитва о скончавшихся в состоянии	
душевного заболевания.	246
Моление о скончавшихся в клятвенных	
грехах	249
Моление о упокоении православных воинов,	
за Веру и Отечество на брани убиенных	251
Молитва за усопших внезапно	
(скоропостижную) смертью	253
Молитва о том же	255
Канон преподобному Паисию Великому,	
имеющему благодать от Бога избавлять	
от муки умерших без покаяния	257

Молитвы о упокоении ко Пресвятой Богородице, к Ангелам и всем святым	265
Молитва ко Пресвятой Богородице	265
Молитва к Ангелам и всем Святым	267
Акафист за единоумершего.	269
ПОМИНОВАНИЕ НА ДОМАШНЕЙ МОЛИТВЕ НЕПРАВОСЛАВНЫХ	279
Молитва о человеке, умершем вне Церкви . . .	279
Канон святому мученику Уару об избавлении от муки во иноверии умерших	280
Канон святому мученику Уару, емуже дана бысть благодать умоли за умерших Клеопатрины прародители, не сподобльшиися приятя святого Крещения	280
Поминовение умерших младенцев, не сподобившихся почему-либо святого крещения и мертворожденных	289
Молитва о некрещеных младенцах	292
Молитва иная о некрещеных младенцах. . . .	293
Поминовение самоубийц.	294
Молитва о самоубийцах	294
КАК ПОМИНАТЬ УСОПШИХ	295
Поминальная трапеза	295
Как вести себя на кладбище	296
Чин литии, совершаемой мирянином у гроба почившего или на его могиле.	296
Псалом 90	297
Кондак, глас 8	298
Икос.	298
Дни вселенского поминовения	299
Когда не бывает поминовения усопших.	300

ИЗБРАННЫЕ ПЕСНОПЕНИЯ ИЗ СЛУЖБ ОБ УСОПШИХ	301
Панихида, глас 8-й.	301
Тропарь, глас 8-й.	301
Тропари заупокойные, глас 5-й	301
Седален, глас 5-й.	303
Ирмосы канона, глас 8-й	303
Кондак, глас 8-й	305
Икос.	305
Тропари, глас 4-й	306
Стихиры самогласны (поются при погребении)	307
СОВЕТЫ РОДСТВЕННИКАМ УМИРАЮЩЕГО	309

Нигде в мире, кроме России, погребальный обычай и обряд не выработался до такой глубокой, можно сказать, виртуозности, до которой он достигает у нас; и нет сомнения, что в этом его складе отразился наш народный характер, с особенным, присущим нашей натуре, мировоззрением. Ужасны и отвратительны черты смерти повсюду, но мы одеваем их благолепным покровом, мы окружаем их торжественной тишиной молитвенного созерцания, мы поем над ними песнь, в которой ужас пораженной природы сливается воедино с любовью, надеждой и благоговейной верой. Мы не бежим от своего покойника, мы украшаем его в гробе, и тянет нас к этому гробу — взглянуться в черты духа, оставившего свое жилище; мы поклоняемся телу и не отказываемся давать ему последнее целование, и стоим над ним три дня и три ночи с чтением, с пением, с церковной молитвой. Погребальные молитвы наши исполнены красоты и величия; они продолжительны и не спешат отдать земле тело, тронутое тлением, — и когда слышишь их, кажется, не только произносится над телом последнее благословение, но совершается вокруг него великое церковное торжество в самую торжественную минуту бытия человеческого! Как понятна и как любезна эта торжественность для русской души!

К.П. Победоносцев

КОНЧИНА ЖИЗНИ ЧЕЛОВЕКА

КАНОН НА ИСХОД ДУШИ

«Христианские кончины живота нашего, безболезненны, непостыдны, мирны... у Господа просим» — это прошение входит в состав почти всех церковных служб. Телесная смерть, что стала законом для каждого после падения прародителей, страшит нас своей неизвестностью. Люди умирают по-разному — одни в безопасности и нерадении, не думая о том, что их ожидает за гробом, другие — сознательно, с чувством величия приближающегося момента, используют те средства, которые Православная Церковь предлагает умирающему.

Обычно перед концом человек не в состоянии позаботиться о себе, поэтому долг всякого верующего — сделать все, чтобы переход в иной мир сложился для умирающего по-христиански.

Православная Церковь напутствует своих чад в загробную жизнь таинствами Покаяния, Причащения и Елеосвящения, а в минуты разлучения души с телом совершает канон на исход души. Он читается «от лица человека, с душою разлучающегося и не могущего глаголати», и иначе называется отходной молитвой.

В момент смерти человек испытывает чувство томления. При выходе из тела душа встречает Ангела-Хранителя, данного ей в Крещении, и злобных духов — бесов. Облик бесов так ужасен, что при их виде душа мятется и трепещет.

Канон на исход души в отсутствие священника должны прочитать родные или близкие умирающего.

Помещенный ниже канон, как и все прочие молитвословия настоящего сборника, приведен в варианте, приспособленном для чтения мирянами.

КАНОН МОЛЕБНЫЙ КО ГОСПОДУ НАШЕМУ ИИСУСУ ХРИСТУ И ПРЕЧИСТЕЙ БОГОРОДИЦЕ, МАТЕРИ ГОСПОДНИ, ПРИ РАЗЛУЧЕНИИ ДУШИ ОТ ТЕЛА ВСЯКАГО ПРАВОВЕРНАГО

Молитвами святых отец наших, Господи Иисусе Христе Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. (*Читается трижды, с крестным знамением и поясным поклоном.*)

*Слава, и ныне:**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (*Трижды.*)

Слава, и ныне:

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем

* Когда напечатано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

должникóм нашим; и не введи́ нас во искуше́ние, но избави́ нас от лука́ваго.

Го́споди, поми́луй. (*12 раз.*)

Слава, и ныне:

Приидите, поклонимся Царéви нашему́ Бо́гу.

Приидите, поклонимся и припаде́м Христу, Царéви нашему́ Бо́гу.

Приидите, поклонимся и припаде́м Самому́ Христу, Царéви и Бо́гу нашему́.

Псалом 50, покаянный

Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззакóние мое. Наипа́че омы́й мя от беззакóния моего́, и от греха́ моего́ очисти́ мя. Яко́ беззакóние моё аз зна́ю, и грех мой предо́ мною́ есть ви́ну. Тебе́ еди́ному согреших и лука́вое пред Тобо́ю сотвори́х, я́ко да оправди́шися во словеса́х Твои́х, и победи́ши внегда́ суди́ти Ти. Се бо в беззакóнных зачат есмь, и во гресех роди́ мя ма́ти моя́. Се бо и́стину возлюбил еси́, безве́стная и та́йная премудро́сти Твоея́ явил ми еси́. Окропи́ши мя иссо́пом, и очищу́ся, омыеши мя, и паче́ сне́га убелю́ся. Слу́ху моему́ да́си ра́дость и весе́лие, возра́дуются ко́сти смире́нныя. Отврати́ лице́ Твое́ от грех мои́х и вся́ беззакóния моя́ очисти. Сёрдце́ чи́сто сози́жди во мне, Бо́же, и дух прав обнови́ во утробе́ мое́й. Не отве́ржи мене́ от лица́ Твоего́ и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззакóнныя путе́м Твои́м, и нечестивии́ к Тебе́ обратятся. Избави́ мя от крове́й, Бо́же, Бо́же спасе́ния моего́, возра́дуется язы́к мой пра́вде Твое́й. Го́споди, устне́ мои́ отве́рзеши, и уста́ моя́ возвестят хвалу́ Твою́. Я́ко а́ще бы восхотел еси́ жёртвы, дал бых у́бо: всесо́жжения не благоволи́ши. Жёртва Бо́гу дух со-

круше́н: се́рдце сокруше́нно и смире́нно Бог не уничи́жит. Ублажи́, Го́споди, благоволе́нием Твои́м Сио́на, и да сози́дуются стёны Иерусали́мския. Тогда́ благоволи́ши же́ртву пра́вды, возноше́ние и всесожега́емая: тогда́ возложáт на олта́рь Твой тельцы́.

**Канон молебный от лица человека с душою
разлучающагося и не могущаго глаголати,
глас 6-й**

Песнь 1

Ирмос: Яко по сýху пеше́шествовав Изра́иль, по бе́здне стопа́ми, гоните́ля фарао́на ви́дя потопля́ема, Богу победную́ песнь по́йм, вопия́ше.

Припев: Пресвята́я Богоро́дице, спаси́ нас.

Ка́плям подо́бно дожде́вным, зли́и и ма́лии дни́е мои, ле́тним обождéнием оскудева́юще, помáлу исче́зают уже́, Влады́чице, спаси́ мя.

Припев: Пресвята́я Богоро́дице, спаси́ нас.

Твои́м благоутро́бием и мно́гими щедро́тами Твои́ми, Влады́чице, преклоня́ема естéственно, в час сей ужáсный предста́ни ми, Помо́щнице Непобори́мая.

Припев: Пресвята́я Богоро́дице, спаси́ нас.

Содержи́т ны́не ду́шу мою́ страх вели́к, трéпет неисповедíм и боле́знен есть, внегда́ изы́ти ей от телесе́, Пречи́стая, ю́же утéши.

Слава: Гре́шным и смире́нным извё́стное прибежи́ще, о мне известí Твою́ милость, Чи́стая, и бесо́вския изба́ви руки́, я́коже бо пси мно́зи обступíша мя.

И ныне: Се вре́мя по́мощи, се вре́мя Твоего́ заступле́ния, се, Влады́чице, вре́мя, о нёмже день и ночь припа́дах тёпле и моля́хся Тебе́.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Припев: Пресвятая Богородице, спаси нас.

Издальча сего дне, Владычице, провидя, и того яко пришедша помышляяй присно, слезами теплыми моляхся не забытьи мене.

Припев: Пресвятая Богородице, спаси нас.

Обыдоша мя мысленнии рыкающе скимны и ищут восхитити и растерзати мя горце, ихже зuby, Чистая, и челюсти сокруши и спаси мя.

Припев: Пресвятая Богородице, спаси нас.

Угашу убо отнюд органу словесному, и связавшуся языку, и затворившуся гласу, в сокрушении сердца молю Тя, Спасительнице моя, спаси мя.

Слава: Приклони уxo Твое ко мне, Христа Бога моего Мати, от высоты многия славы Твоея, Благая, и услыши стенание конечное, и руку ми подаждь.

И ныне: Не отвори от мене многия щедроты Твоя, не затвори утробу Твою человеколюбную, Чистая; но предстани ми ныне и в час судный помяни мя.

Песнь 4

Ирмос: Христос моя сила, Бог и Господь, честная Церковь боголепно поет, взываящи, от смысла чиста о Господе празднующи.

Припев: Пресвятая Богородице, спаси нас.

Умовение согрешением, ток слезный ныне положи, Благая, сердца моего сокрушение приемлющи: о Тебе утверждающе упование, Благая, егда како страшного мя избавиши огненного мучения, яко Сама благодати еси источник, Богородительнице.

Привев: Пресвятая Богородице, спаси нас.

Непостыдное и Непогрешительное всем, иже в нуждах, Прибежище, Владычице Пренепорочная, Ты ми буди Заступница в час испытания.

Привев: Пресвятая Богородице, спаси нас.

Простерши Пречистеи Твой и Всечестней руце, яко священный голубине криле, под кровом и сению тех покрый мя, Владычице.

Слава: Воздушного князя насильника, мучителя, страшных путей стоятеля и напрасного сих словоиспытателя, сподоби мя преити невозбранно отходяща от земли.

И ныне: Се мя, Владычице, страх усрете, егоже и боюсь; се подвиг велик объят мя, в немже буди ми Помощница, Надежде спасения моего.

Песнь 5

Ирмос: Божиим светом Твоим, Блаже, утренюющих Ти души любовью озари, молюся, Ты ведети, Слове Божий, Истинного Бога, от мрака греховного взывающа.

Привев: Пресвятая Богородице, спаси нас.

Не забуди мя, Благая, ниже отвори от мене, Твоего отрока, лице Твое, но услыши мя, яко скорблю, и вонми души моей, и сию избави.

Привев: Пресвятая Богородице, спаси нас.

Иже по плоти, сродницы мои, и иже по духу братие, и друзи, и обычни знаеми, плачите, воздохните, сетуйте, се бо от вас ныне разлучаюся.

Привев: Пресвятая Богородице, спаси нас.

Ныне избавляяй нико и помогаяй воистинну никтоже. Ты помози ми, Владычице, да не яко человек беспомощен, в руках враг моих затворен буду.

Слава: Вшедше, святии мой Ангели, предстаните судищу Христову, колене свои мыслени преклоныше,

плачѣвне возопійте Ему: помілуй, Творче всех, дело рук Твоих, Блаже, и не отрини его.

И ныне: Поклоньшеся Владычице и Пречистой Матери Бога моего, помолитесь, яко да преклонит колена с вами, и преклонит Его на милость: Мати бо сущи и Питательница, услышана будет.

Песнь 6

Ирмос: Житейское море, воздвизаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Припев: Пресвятая Богородице, спаси нас.

Устне мои молчат, и язык не глаголет, но сердце вещает: огонь бо сокрушения сие снѣдая внутрь возгараетсѣ, и гласы неизглаголанными Тебе, Дево, призывает.

Припев: Пресвятая Богородице, спаси нас.

Призри на мя свѣше, Мати Божия, и милостивно вонми ныне на мое посещение снити, яко да видев Тя, от телесе изыду радуясь.

Припев: Пресвятая Богородице, спаси нас.

Растерзаеми союзы, раздираеми закони естественнаго сгущения, и составления всего телеснаго, нужду нестерпимую и тесноту сотворяют ми.

Слава: Святых Ангел священным и честным рукам преложи мя, Владычице, яко да тех крылы покрывся, не вижу безчестнаго и смраднаго и мрачнаго бесов образа.

И ныне: Чертоже Божий Всечестне, Небесному разумному чертогу сподоби мя, мою угасшую и несияющую свещу вжѣгши, святым елеем милости Твоея.

Кондак, глас 6-й

Душе моя, душе моя, востани, что спиши, конец приближается, и нужда ти молвити: воспряни убо, да пощадит тя Христос Бог, Иже везде сый, и вся исполняяй.

Икос

Христово врачевство видя отверсто, и от сего Адаму источающе здравие, пострадав уязвися диавол, яко беды приѣмля рыдаше, и своим другом возопи: что сотворю Сыну Мариину? Убивает мя Вифлеемлянин, Иже вездѣ сый и вся исполняяй.

Песнь 7

Ирмос: Росодательну убо пещь содела Ангел, преподобным отроком, халдеи же опаляющее веление Божие, мучителя увещая вопити: благословен еси, Боже отец наших.

Припев: Пресвятая Богородице, спаси нас.

Ночь смертная мя постиже неготова, мрачна же и безлунна, препущающи неприготовлена к долговому оному пути страшному: да спутешествует ми Твоя милость, Владычице.

Припев: Пресвятая Богородице, спаси нас.

Се вси днии мои исчезоша воистинну в суете, якоже пишется, и лета моя со тщанием, сети же смертныя воистинну и горькия предвариша мою душу, яже мя обдержат.

Припев: Пресвятая Богородице, спаси нас.

Множество грехов моих да не возможет победити Твоего многога благоутробия, Владычице, но да обидет мя Твоя милость и вся да покрывает беззакония моя.

Слава: Отводящие мя отсюду находят, содержаще мя всюду: душа же моя отлагает и страшится, многа исполнена мятѣжа, юже утѣши, Чистая, явлением Твоим.

И ныне: Спечалующаго ни единого в скорби моей, ниже утешающаго обретох, Владычице, ибо друзи мои и знаемии вкупе оставиша мя ныне, но, Надежда моя, никакоже да не оставиши мя.

Песнь 8

Ирмос: Из пламене преподобным росу источил еси, и праведнаго жёртву водою попалил еси, вся бо творishi, Христё, токмо еже хотёти. Тя превозносим во вся веки.

Припев: Пресвятая Богородице, спаси нас.

Яко Бога Человеколюбца Мати Человеколюбивая, тихим и милостивым вонми оком, егда от тела душа моя отлучается, да Тя во вся веки славлю, Святая Богородице.

Припев: Пресвятая Богородице, спаси нас.

Убегнути ми варвар безплотных полки, и воздушных бездны возникнуть, и к Небеси взыти мя сподоби, да Тя во веки славлю, Святая Богородице.

Припев: Пресвятая Богородице, спаси нас.

Рождающая Господа Вседержителя, горьких мытарств начальника миродержца отжени далече от мене, внегда скончаться хочу, да Тя во веки славлю, Святая Богородице.

Слава: Великой последней гласящей трубе, в страшное и грозное воскрешение суда, воскресающим всем, помяни мя тогда, Святая Богородице.

И ныне: Высокая Владыки Христа палато, Твою благодать свыше пославши, предвари мя ныне в день озлобления, да Тя славлю во веки вся, Святая Богородице.

Песнь 9

Ирмос: Бога человеком невозможно видети, на Негоже не смеют чини Ангельстии взира́ти. Тобою же, Всечистая, явися человеком Слово Воплощённо. Егоже величающе, с Небесными вои, Тя ублажаем.

Припев: Пресвятая Богородице, спаси нас.

О, како узрю Невидимаго? Како ужасное оно претерплю видение? Како дерзну отвёрсти очи? Како моего

Владыку смею видети, Егѡже не престаях от юности
огорчевая прѣсно?

Прпев: Пресвятая Богородице, спаси нас.

Святая Отроковице, Богородительнице, на мое сми-
рение милосердно прѣзри, умиленное мое и последнее
молѣние сие прѣими, и мучащаго вечнующаго огня
потщися избавити мя.

Прпев: Пресвятая Богородице, спаси нас.

Храмы святѣя осквернившая, скверный и телесный
храм оставивши, Тебе, Божий всечестный Храме, мо-
лит, Отроковице Дѣво Мати, душа моя тмы кромѣш-
ния убежати и лютаго геѣнскаго жжѣния.

Слава: Зря конѣц близу жития моего, и помышляя
безмѣстных мыслей, деяний же, Всечѣстая, душу мою
дѣлательницу, люте уязвляюся стрѣлами совести, но
преклѡншися милостивно, буди ми Престательница.

И ныне: Сын дастся нам за милость, Сын Божий, и
Ангельский Царь, Превѣчный от чѣстых кровей Твоих
Человек прошѣд. Егѡже умилостиви, Отроковице, стра-
стней моей душе, исторгаемей люте от окаяннаго моего
телесѣ.

По окончании канона:

Достойно есть яко воистинну блажити Тя Богороди-
цу, Присноблаженную и Пренепорочную и Матерь Бога
нашего. Честнейшую Херувим и славнейшую без срав-
нения Серафим, без истлѣния Бога Слова рѡждшую, сущую
Богородицу Тя величаем.

Слава, и ныне:

Господи, помилуй. (*Трижды.*)

Господи Иисусе Христѣ, Сыне Божий, молитв ради
Пречѣстѣя Твоея Матере, преподѡбных и богонѡсных
отѣц наших и всех святѣх, помилуй нас. Аминь.

Если канон был прочитан священником, то по 9-й песни иерей читает следующую молитву:

Молитва на исход души

Владыко Господи Вседержителю, Отче Господа нашего Иисуса Христа, Иже всем человеком хотяй спастися, и в разум истины приити; не хотяй смерти грешному, но обращения и животá; молимся, и мѝли ся Ти дѣем: дѹшу раба Твоего (*имя*) от всякия ўзы разреши и от всякия клятвы свободи, остави прегрешѣния еմу, яже от юности, ведома и неведома, в дѣле и слове, и чисто исповѣданая, или забвѣнием, или студом утаѣная. Ты бо Един еси разрешаѣй связанныя и исправляѣй сокрушенныя, надежда неначаемым, могѣй оставляти грехи всякому человеку, на Тя упование имѹщему. Ей, Человеколюбивый Господи, повели, да отпустится от уз плотских и греховных, и приими в мире дѹшу раба Твоего сего (*имя*), и покой ю в вѣчных обителех со святыми Твоими, благодатию Единороднаго Сына Твоего, Господа Бога и Спаса нашего Иисуса Христа: с Нимже благословен еси, с Пресвятым и Благим и Животворящим Твоим Духом, ныне и прѣсно и во вѣки веков. Аминь.

* * *

Если человек долго и тяжело страдает и не может умереть, то родственники могут прочесть нижеследующий канон.

ПОСЛЕДОВАНИЕ ПРИ ИСХОДЕ ДУШИ ОТ ТЕЛА, ВНЕГДА ЧЕЛОВЕК ДОЛГО СТРАЖДЕТ

Молѣтвами святых отец наших, Господи Иисусе Христѣ Боже наш, помѣлуй нас. Аминь.

Сла́ва Тебе́, Бо́же наш, сла́ва Тебе́.

Царю́ Небесный, Уте́шителю, Ду́ше и́стины, И́же
вездѣ съи́й и вся исполня́й, Сокро́вище благі́х и жи́зни
Подáтелю, прииди́ и всели́ся в ны, и очисти́ ны от вся́-
ких сквѣ́рны, и спаси́, Бла́же, ду́ши на́ша.

Святы́й Бо́же, Святы́й Кре́пкий, Святы́й Безсме́рт-
ный, поми́луй нас. (*Трижды.*)

Сла́ва, и ны́не:

Пресвята́я Тро́ице, поми́луй нас; Го́споди, очисти́
грехи́ на́ша; Влады́ко, прости́ беззаконія на́ша; Святы́й,
посети́ и исцели́ немо́щи на́ша, имене Твоего́ ра́ди.

Го́споди, поми́луй. (*Трижды.*)

Слава, и ныне:

Отче наш, И́же еси́ на небесе́х! Да святится́ и́мя Твое́,
да приидет Ца́рствие Твое́, да бу́дет во́ля Твоя́, я́ко на
небеси́ и на земли́. Хлеб наш насущный даждь нам
днесь; и оста́ви нам до́лги на́ша, я́коже и мы оставляем
должникóм нашим; и не введи́ нас во искуше́ние, но из-
ба́ви нас от лука́ваго.

Го́споди, поми́луй. (*12 раз.*)

Слава, и ныне:

Приидите́, поклонимся Царе́ви на́шему Бо́гу.

Приидите́, поклонимся и припаде́м Христу́, Царе́ви
на́шему Бо́гу.

Приидите́, поклонимся и припаде́м Самому́ Христу́,
Царе́ви и Бо́гу на́шему.

Псалом 69

Бо́же, в по́мощь мою́ вонми́, Го́споди, помо́щи ми
потщися́. Да посты́дятся и посра́мятся и́щущии ду́шу
мою́, да возвратя́тся вспя́ть и посты́дятся хотя́щии ми
зла́я. Да возвратя́тся а́бие стыдя́щиеся глаго́лющии ми:
бла́гоже, бла́гоже. Да возра́дуются и возвеселя́тся о Тебе́
вси и́щущии Тебе́, Боже, и да глаго́луют вы́ну, да возве-

лічится Господь, любящий спасение Твое: аз же ниш
есмь и убог, Боже, помози ми: Помощник мой и Из-
бавитель мой еси Ты, Господи, не закосни.

Псалом 142

Господи, услыши молитву мою, внуши моление мое
во истине Твоей, услыши мя в правде Твоей и не вниди
в суд с рабом Твоим, яко не оправдится пред Тобою
всяк живый. Яко погна враг душу мою, смирил есть в
землю живот мой, посадил мя есть в темных, яко мерт-
вые века. И уны во мне дух мой, во мне смятесе сердце
мое. Помянух дни древния, поучихся во всех делах Тво-
их, в творениях руку Твоею поучахся. Воздох к Тебе ру-
це мои, душа моя, яко земля безводная Тебе. Скоро ус-
лыши мя, Господи, исчезе дух мой, не отврати лица
Твоего от мене, и уподоблюся низходящим в ров. Слы-
шану сотвори мне завтра милость Твою, яко на Тя упо-
вах. Скажи мне, Господи, путь вонже пойду, яко к Тебе
взях душу мою. Изми мя от враг моих, Господи, к Тебе
прибегох. Научи мя творити волю Твою, яко ты еси Бог
мой. Дух Твой Благий наставит мя на землю праву.
Имене Твоего ради, Господи, живиши мя, правдою Тво-
ею изведеши от печали душу мою. И милостию Твоею
потребиши враги моя и погубиши вся стужающие души
моей, яко аз раб Твой есмь.

Псалом 50, покаянный

Помилуй мя, Боже, по велицей милости Твоей, и по
множеству щедрот Твоих очисти беззаконие мое. Наи-
паче омой мя от беззакония моего, и от греха моего
очисти мя. Яко беззаконие мое аз знаю, и грех мой пре-
до мною есть вину. Тебе единому согреших и лукавое
пред Тобою сотворих, яко да оправдишися во словесах
Твоих, и победиши внегда судити Ти. Се бо в беззакон-

ниих зачат есмь, и во гресѣх роди мя мати моя. Се бо истину возлюбил еси, безвѣстная и тайная премудрости Твоея явил ми еси. Окропиши мя иссопом, и очищуся, омыеши мя, и паче снега убелюся. Слуху моему даши радость и весѣлие, возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен: сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая: тогда возложат на олтарь Твой тельцы.

Канон, глас 6-й

Песнь 1

Ирмос: Яко по сѹху пешешествовав Израиль, по бѣдне стопами, гонителя фараона видя потопляема, Богу побѣдную песнь поим, вопияше.

Припев: Помилуй мя, Боже, помилуй мя.

Приидите соберитесь вси, иже благочестно в житии пожившии, и восплачите о души отчужденней славы Божия, и работавшей студным демоном всяким тщанием.

Припев: Помілуй мя, Боже, помілуй мя.

Ны́не ўбо вре́мя все моего́ живота́, я́ко дым претече́, и предста́ша прѡ́чее А́нгели по́сланнии от Бо́га, окаян-ную мою́ ду́шу и́щуще немі́лостивно.

Слава: Се предста́ша мно́жество лу́кавых духо́в, держа́ще мои́х грехо́в написáние, и зову́т зело́, и́щуще без-студно смире́нныя моея́ душі́.

И ныне: Прѡ́чее к кому́ возопию́; кто мой плач от бо-лѣзни при́имет, и се́рдца воздыхáние; то́кмо Ты Прене-порѡ́чная, Чи́стая, наде́жда христиáн и всех грѣшных.

Песнь 3

Ирмос: Несть свят, я́коже Ты, Го́споди Бо́же мой, вознесый рог ве́рных Твои́х, Бла́же, и утверди́вый нас на ка́мени испо-вѣдания Твоего́.

Припев: Помілуй мя, Боже, помілуй мя.

До́брии мои́ дру́зи и зна́емии, почто́ не пла́чете; по-что́ не рыда́ете, и́же иногда́ любима́го дру́га и бра́та, ны́не же стра́нна Бога и всех вас.

Припев: Помілуй мя, Боже, помілуй мя.

Возлю́бленная моя́ бра́тия, зря́ще моя́ дея́ния обли-ча́ема ме́рилом пра́ведным, Христа́ всех Бо́га моли́те, ми́лостива бы́ти мне.

Слава: Помяну́вше моея́ возлю́бленнии, е́же к вам дру́жбы, Христа́ моли́те призре́ти на мя, злополу́чна, живота́ лиш́ившагося, и му́чима.

И ныне: Приклони́ у́хо Твое́ ко мне, Бо́га моего́ Ма́ти, с высоты́ сла́вы мно́гия Твоея́ Благо́я, услы́ши стенáние послѣднее, и ру́ку пода́ждь ми.

Песнь 4

Ирмос: Христос́ моя́ си́ла, Бог и Господь, честна́я Цѣрковь бо-голе́пно поётъ вызы́ающе, от смы́сла чи́ста о Го́споде прáздную-щи.

Припев: Помілуй мя, Бóже, помілуй мя.

Увы́ мне блúдному, увы́ мне окай́нному: я́ко ру́це простира́ю к моимъ дру́гомъ, и слéзы от о́чию пролива́ю, но никто́же мѣлуяй мя.

Припев: Помілуй мя, Бóже, помілуй мя.

Пóдвиг на́ста мне душі́ всегубі́телен, и очі́ма взира́-
яй к Бóжиимъ свѣ́тлымъ А́нгеломъ, вопію́: ма́ло оста́вите
меня́ пожі́ти, но никто́же послу́шай мене́.

Слава: О мне пла́чите, о мне рыда́йте а́нгельстии со-
бо́ри, и челове́цы вси христолю́бцы: немѣлостивно бо
душа́ моя́ от те́ла разлуча́ется.

И ныне: Влады́чице, Влады́чице, ны́не помілуй ду́шу
недоумева́ющую, и к Твоему́ покрóву еди́ному зря́щую,
и не прѣзри, Благо́ая, де́мономъ отда́ну бы́ти ми.

Песнь 5

Ирмос: Бóжиимъ свѣ́томъ Твоимъ, Бла́же, у́тренюющихъ Ти ду́ши
любо́вию озари́, молю́ся, Ты ве́дети, Сло́ве Божий, и́стиннаго
Бо́га, от мра́ка грехо́внаго взыва́юща.

Припев: Помілуй мя, Бóже, помілуй мя.

Свет у́мный возсия́й на мя, да вижу́ Тя Христо́е, понѣ́
вма́ле, ктому́ бо не узрю́ Тебе́: о́блакъ бо де́моновъ внеза́пу
нападе́ на мя, и тьма стúдныхъ мо́ихъ делъ покрыва́ет мя.

Припев: Помілуй мя, Бóже, помілуй мя.

Спасі́тесь* вси возлю́бленнии, благоутро́бнии о́ мне
я́вльшеся злоча́стнемъ и всеока́йннымъ: вси бо а́ще еди́-
нымъ гла́сомъ провеща́ли бы́сте к моему́ Влады́це, тьмы
изба́вили мя бы́сте.

Слава: Спа́сайся вели́кий кня́же Божий Михаи́ле,
А́нгелов нача́льниче: ктому́ бо твоѣ́ свято́е і́мя не при-
зову́, е́же помощі́ мне: молчи́та бо мой устне́, и язы́къ
связа́ся.

* Прощайте.

И ныне: Спасайся и Ты, нескверная Чистая Мати Христа моего и Бога: кому́ бо образа Твоего́, от моих согрешений не узрю́ окайнный: угасе́ бо свет мой, и ночь покры́ мя.

Песнь 6

Ирмос: Жите́йское мо́ре воздвиза́емое зря напáстей бу́рею, к тихому приста́нищу Твоему́ прите́к, вопию́ Ти: возведи́ от гли живо́т мой, Многоми́лостиве.

Припев: Помилуй мя, Бо́же, помилуй мя.

Приклоните́ у́хо ва́ше бра́тия моя́ ко мне, и кро́тко услы́шите умиле́нных глаго́л ма́лое веще́ание, и не пре-слу́шайте, и мзду от Господа вси воспри́имите.

Припев: Помилуй мя, Бо́же, помилуй мя.

Се ныне разлуча́ется с боле́знию душа́ от окай́ннаго моего́ телесе́: не у́бо тело мое погребёте в землі́, несть бо досто́йно: но извлéкше вон, псом пове́рзите.

Слава: Ка́я бо мне по́льза, души́ мое́й в стра́шныя му́ки вве́ржене бы́ти, телу́ же пéту бы́ти от вас; оста́вите непогребёно, я́ко да снеда́т пси се́рдце моё́.

И ныне: Не́гли мимоходя́щих, стра́нний, ви́дяще ко́сти от псов влеко́мая, умили́вшеся воззову́т от души́: помози́, Влады́чице, души́ окай́ннаго сего́ тела.

Песнь 7

Ирмос: Росода́тельну у́бо пещь соде́ла А́нгел преподо́бным отроко́м: халде́и же опаля́ющее велéние Бо́жие мучи́теля уве́ща вопи́ти: благослове́н еси́ Бо́же оте́ц наших.

Припев: Помилуй мя, Бо́же, помилуй мя.

Се привлéкше отторго́ша от телесе́ лю́те внеза́пу ока́йнную ду́шу, и отво́дят к Судии́ грозному́ и стра́шному: помяну́вше у́бо возлю́блении, е́же к вам мое́я бесе́ды, па́мять твори́те мне.